

交際

飲名衣非之

樂山水

出處

事君

古君陳滅

退溪言行錄地

居官

附教子弟

論學

論禮

祭冠昏喪

論時事







退溪先生言行錄卷之三

類編

交際

先生待人甚恕苟無大故者則未嘗絕之皆容而教之冀其遷改而自新焉 金誠一

先生待人喜怒不形於色滎川守李銘素悖慢嘗來謁倨傲無禮咳唾自若指點屏障評論書畫先生隨而荅之侍坐者皆省有愠色而先生畧無幾微見於顏面 金誠一

有錄事梁成義者為本縣縣監士人皆省賤其為人先生盡其民主之禮久而愈敬成義反挾地主之尊嘗到漁梁伴邀先生辭甚倨傲先生辭以疾令子弟往見聞者皆怪怒而



先生終不言其失金誠一

監司姜士尚訪先生于陶山旣去明一等即入謁主倅在座設  
酌酒半先生乃言久欲謝此送迎而不可得仍示一絕云寒事  
幽居有底營藏花護竹衛羸形慙懃寄語相尋客欲向三  
冬斷送迎此某言志之作恐人以我為薄故不敢示人今始  
出之非薄也乃不得已陳情也

金明一

嘗言士大夫相與之際一往一來乃禮之當然也但如徵士等人不  
可行此禮中朝兵與弼

號唐齋

以處士召在都下凡於士大夫之

來無不往答賀暨間

名欽

深以為非

禹旌傳

對客設食必稱家有無雖貴客至亦不盛饌雖卑幼亦不忽

馬金誠一



客來常有酒食必豫教家人以供俱之亦嘗對客言之一

金誠

待門弟子如待朋友雖少者亦未嘗斥名稱汝送迎周旋揖

遜致其敬坐定必先問父兄安否

金誠一

朋友死雖遠必遣子弟賻文致祭

金誠一

德弘問曰客有來見則不論老少貴賤而皆當敬之否曰亦

當敬矣但待之有道朱子論教惰之說曰教之為術德也

正以其先有是心不度所施而無所不教爾若因人之可

教而教之則是常情所宜有而事理之當然也今有人焉

其親且舊未至於可親而愛也其位與德未至於可畏

而敬也其窮未至於可哀而其惡未至於可賤也其言

無足去取而其行無足是非也則視之泛然如塗之人



而已甬以此觀之凡待人之道各在當人之身豈可不論老少貴賤而一坊敬之乎但先有忽慢之心亦不可也黃公孝恭雖卑幼之人必出大門外迎送恐亦過矣

李德弘

德弘問曰或云禮家長使我出迎客我出不拜客客入而坐定然後拜之是否先生曰不然我代長者迎之而不拜於義未安若長者親出迎則姑避不拜是則可矣

李德弘

德弘問曰孔子曰毋友不如己者如不勝己者則一坊不與之交乎曰常人之情好友其不勝己者而不好友其勝己者故聖人為如是者言之非以為一坊不與之友也若欲一坊擇善人為友則此亦偏也曰與之惡人處駸駸入於其中則奈何曰善則從之惡則改之善惡皆吾師也若駸駸入他



則亦何以學為也哉 李德弘

### 飲食衣服之節

先生對客飲啖不聞匙箸之聲其飲食之節每食不過數三

器暑月只脯乾而已

嘗待食陶山盤中只有茄葉菁根海蘆無餘物矣

金誠一

非有賓客則未嘗設不時之饌 李德弘

先生嘗入京寓西城內左相權公

名轍

來見焉先生具而飯待之

淡饌薄味不可食而先生若啖珍味少無難意權公竟不能

下箸退謂人曰從前誤養口體到此甚可愧也

禹性傳

先生飲酒未嘗至醉微醺而止其接待賓客隨量勸之稱其

情款焉 金誠一

先生嘗曰我真福薄之人啖厚味則氣如痞滯不安必啖苦



淡然後方利腸胃 金誠一

金就礪造幅巾深衣以送先生曰幅巾似僧巾

言失其制

著之似

未穩乃服深衣而加程子冠晚年齋居如此客來則改以常服焉 金誠一

庚午九月自陶山將返潯堂冠程子冠衣深衣

自京初造來

親啓

門招德弘曰今日欲試古人衣冠耳

李德弘

戊申正月拜丹陽郡守先生乞外既有深意而求為是郡蓋以郡乃山水鄉也郡地龜潭島潭等處最為奇勝而時值連凶賑饑未得常往來於其間故於簿書之暇間或游賞而

寄興吟詠焉 李安道

郡

郡即豐基時先生為郡守

有小白山乃南紀名山也先生嘗跋馬獨往登陟



岡巖累日方返飄舫有南嶽之興 金誠一

其在二郡

冊陽  
豐基

清風灑舫無一點私累簿書之暇唯以書史自

娛或起舫獨往徜徉水石間田翁野老望若神僊 金誠一

先生五十歲尚無家初卜于霞峯中移于竹洞竟定于退溪之  
上宅西臨溪作精舍名曰寒棲引泉為塘名曰光影植以梅  
柳開以三迳前有彈琴石東有古藤巖溪山明媚宛舫成  
一別區焉丙辰歲誠一始展拜于此左右圖書焚香靜坐脩  
然若將終身人不知為官人也 金誠一

庚戌二月始營室于溪上今之西家是也先是得地于霞明洞  
紫霞洞峯下構舍未畢以洞近洛川川乃官禁所及謂不宜  
子孫之居遷于竹洞又以洞狹隘且無溪流乃卜於溪上蓋



三遷而定居焉 李安道

晚卜地於陶上築室藏書地在江上冬日甚寒不能居春夏則常處其中或於花朝月夕獨乘小艇沿洄上下興盡而返玩心經籍寄興溪山頗敢若無當世之念矣 鄭惟一

先生得陶山未成精舍時常言山水清奇甚合所求夢寐間常在此中 金富倫

初作陶山書堂欲令僕隸守之惡其不潔令山僧別居隴雲精舍以守之蓋亦朱夫子俾道士守雲谷之意也 金誠一

辛酉三月晦先生步出溪南齋率李福弘德弘等往陶山憩冢頂松下時山花盛開煙林明媚先生詠杜詩盤渦覽浴底心性獨樹花發自分明之句德弘問此意如何曰為已君子



無所為而然者暗合於此意思學者須當體驗正其誼不謀

其利明其道不計其功若小有一毫為之之心則非學也李後

德弘問自承盤渦驚浴底心性獨樹花發自分明之誨小知君子為己之學先生曰子美之意非言為己來當日特假借

以明之耳到玩樂齋時初立未就坐節友社梅下有僧進南溟詩先生

吟咏數遍曰此老之詩例甚奇險次則不然曰次以贈又作

一絕云花發岩崖春寂々鳥鳴澗水樹溪々偶從山後攜童

冠閒到山前樂考槃德弘問詩有所上之樂々其日用之常

上下同漆各得其所之妙也先生曰雖畧有此意思推言之

太過高耳李德弘

辛酉四月既望先生與兄子審孫安道及德弘泛月濯纓潭汴

涿泊盤陀石至櫟灘解纜而下酒三行正襟端坐咏前赤壁



賦曰蘇公雖有病痛其心之寡慾處於苟非吾之所有雖一  
毫而莫取以下數句見之矣又嘗謫去載棺而行其脫然不  
拘如此目以清風明月分韻得明字詩曰水月蒼々夜氣清  
風吹一葉泝空明匏樽白酒醺銀酌桂棹添光掣玉橫采石  
顛狂非得意落星占美寂寥情不知百古通泉後更有何人  
續正聲其有得於山水者如以李德初

壬戌蘓先生在陶山月夜招士誠登天淵臺命誦武庚九曲詩  
仍口號一絕以贈曰半夜遊仙夢自回起呼幽伴上江臺清  
風有意逗懷袖明月多情送酒盃仍傳數盃時九月十九日

也 鄭士誠

若有山水明媚瀑布倒瀉處時或抽身獨往玩詠而還李德弘



庚午九月德弘攜一二冠童先遊伊洞將還蒼頭來報先生小  
車且至德弘欣然而進先生獨坐丹楓下洞石邊迎笑曰君  
已還耶明日贈詩二絕云野菊時開撲馬香幽尋泉石傍斜  
陽欲呼君去同遊賞人道君先入杳茫王母城前小有天丹  
楓碧潤映寒烟何當鑿出瑤池水滿種蓮花更可憐李德弘  
嘗侍坐山堂適於前郊有騎馬而過者幹僧曰異哉是人過進  
賜而不下馬先生曰騎馬者如畫裏人只添一箇奇勝何過  
之有李德弘

### 出處

戊子春赴司馬履試不待榜而還鄉未渡漢江聞榜聲而南行  
了無喜色蓋已發程或有坐還之事不為應榜也金誠一〇進退決不



為名利所動已  
非於此行本註

嘗曰少多疾病自中司馬之後殊無追取之意惟以奉親養病  
為心為仲兄敦勸更作遊泮應舉之計黽勉數月事多肘掣居  
喧囂精神眩恍中夜思之轉覺不堪未幾中第故以至於今  
日不戢則再入國庠以圖決科決知其不可為矣金誠一

乙巳之亂先生已入罪籍李元祿芭之侄申救甚力李芭乃反

待罪而解之蓋先生修行端潔無有疵類小人雖欲捃摭而

不可得且天之生斯人非偶然豈讓賊之所能害哉金誠一

一錄曰乙巳之變與李湛等四人同罷物論譁然皆謂先生不當罷且有營救於李芭者芭待罪言李滉無罪臣宗諫聞之遂命復職自此仕意益薄力求外補得冊陽郡守就移豐基踰年棄官故

丁未秋先生病退在鄉拜弘文館應教承召赴京舟到楊根



聞良才壁書之憂未入城堂吏以朝報來示則大禍已作一時

名添或死或寧先生進退維谷僦勉供職方謀乞外而其得

未幾鳳城君之獄又起先生知不可救未幾移疾仍出守丹

陽金誠一○光海辛亥四月鄭仁弘誡先生以了未同參請

等鳳城之故老李滉初還未拜弘文應教之日三司符發請

前大臣以下皆難席而請鳳城之罪雖直臣如安名世亦莫

敢異同滉神不難於席及退控免本職九死路頭能必截鉄

之勇萬馬奔中能有駐馬之力事之難處共視不其是論者

壬子秋陞堂上為成均大司成先生見士習益媿難以教化未

幾辭免乙卯春以病辭職徑出國門雖朝中士友常所往

來者亦皆不知也鄭惟一



戊午赴召時尹元衡當國方濁亂朝廷有一史官譏其出處  
蓋不知先生心事也初明廟召命累下而猶堅辭者正以  
時不可出也徵召漸峻至有以予不足與有為云云之

教先生聞命瞿然僂勉詣闕非其心也故除大司成

工曹叅判未嘗為供職計在五朔多在散秩

金誠一

與子雋書曰三冬卧病得免黜黜足矣及有此濫分事其為難

處口不容說再乞改正衆論皆以謝恩前辭免為未便不

得已強疾出謝又再辭不許勢至無可奈何鄉議所慮亦

固有理吾亦知不可每辭避然六朝亞卿事體非輕吾豈

養病之坊耶二月間必欲請退

家書

己未春以焚黃得請故再被召命終不赴遞拜同知中樞府



事自此至甲子凡六季長帶同知職名先生屢疏辭之終不  
允或謂先生曰何不累辭期於得請先生曰辭之未蒙上  
允而反得情外褒美之語是以不敢耳乙丑春始得請先生  
喜謂人曰吾今始作山人矣 鄭惟一

先生嘗以在野朝銜為未安控辭累年乙丑明廟始許之先  
生感戴天恩喜形于色顧謂左右曰余自以始為天放之  
身矣賦詩八章以志喜 金誠一

乙丑十二月除同知有旨曰予以不敏之好賢之誠自前  
累召每辭以老病予甚不寧卿其體予至懷斯遠上來先生  
自少志道晚尤好學不樂仕宦退居于禮安時人仰之如泰  
山北斗至是元衡既死士林想望治化及召命下人皆欣



忤李珣

丙寅四月李先生辭病不來于時上眷甚重雖牛童走卒莫

不慕其名皆欲一見其面先生終不起識者以為憂李珣

每有除命必慶然謂學者曰平生為虛名所累以至於此吾

誰欺之天乎

金誠一

丁卯先生屢被召命不得就道道六月十三日往宿于龍壽

寺先生曰致仕古義而吾東方例不許之此人臣甚難之處

也富倫曰人君任使已久而一朝聽其自退於情必有所不

忍者矣且如宋朝迫令致仕此則恐非待臣之厚道也先生

曰似薄而必使之致仕者何也君試思之

金富倫

丁卯七月李先生為禮曹判書先生守道山禁人望日重明



宗累召不來末年召使接待華使乃至未及拜命明

廟昇遐曰在朝撰明廟行狀及拜宗伯辭以疾上曰聞

卿賢德久矣如此新政之時卿若不仕豈安於心乎李珣謁

先生曰幼主初主大位時事多艱先生不可退去先生曰道

理雖不可退以吾身觀之不可不退身既多病才亦無能為

也珣曰先生若在經席之上為益甚大仕者為人豈為已

乎先生曰仕者固是為人若利不及人而患妨於身則不可

為也珣曰先生在朝假使無所敵為而上心倚重人情悅

賴此亦利及於人也先生不肯

李珣

今

上

宣廟

初年先生以禮判辭遞未及呈告遠鄉人皆疑之

蓋奇高峯等諸賢多聚于朝廷每進席極言先生道德行



義無愧於程朱不可不急先招用為行道濟時之地先生已聞而不樂一日門人告曰高峯諸人之意皆以為先生入相然後吾道可行當請對陳 啓云先生瞿然即不告諸友翩

然南行

金誠一

戊辰春柳應見言於德弘曰先生之意固非小子所能窺測然無一言及於時事外人頗有見溺不援之疑况今 初政似有可為之龜乎子盍為我稟之德弘以告先生笑曰我合下不解事只是病廢之人而已何能有言乎且格君之非正大人之事豈我所敢當哉假使有大人之才德如不量時而動則無益於國家而有失於已今世或有言不見用徒蒙顯擢者誠為可耻也往者晦齋先生上十條疏特陞嘉善未聞採



用跡中之一事此豈先生之心乎可為今日之明戒也我本  
孤陋屏居山野無寸善可取無一言可記反為虛名所誤爵  
命稠疊已不勝其愧懼矧反有言以重虛誤乎昔介子推言  
於其母曰言者身之文也身將隱焉用文之是求顯也此  
言深有味 李德裕

戊辰七月二十五日朝講思政殿李滉始入 經筵啓曰自古  
冒受過分之職者或不無其人然在朝而漸進者於事體似  
不大妨小臣老病無狀自知不能而退去矣一陞其爵不敢  
當而去則因此而又益陞自 先朝力辭而退今日之陞又  
若是自古或隱士有虛名者一時不知而誤用者有之小臣  
出身十餘年官至三品與臣相識者孰不知臣之駕劣乎臣



既自知而退去一朝頓變為賢人萬無其理 聖主若許小  
臣之願使遂愚分而得行其志降授一資則欲為退去矣右  
相洪暹曰李滉之言非徒譙讓宗出秉曲矣但欲退去事極  
未安 聖諭所謂至誠相待則讓間何從而入乎云者誠至  
當矣滉曰果得其人而待以至誠則可也如小臣及不如人  
虛名誤徹使 聖上好賢樂善之誠歸於空虛極為惶恐以  
此誠意移用於其人則 宗社之福豈有大於此乎 堂錄  
戊辰八月以判中樞帶 經筵職名故事知 經筵只叅朝講  
不八晝夕講朝議以為 經幄不可無先生使并八叅先生  
以人君不識仁體則一膜之外皆為楚越 金誠一又記此日  
人君不識仁之體  
段故天地萬物與吾不相干 乃請進講西銘上六條疏 上  
一膜之外皆為楚越云云



納之 金誠一

先是朝廷患軍額多缺將括丁改籍先生 啓曰今年水旱民  
迫餓莩宜少緩以俟豐稔 上曰為國而不聽卿言耶即停  
之時大臣李汝卿權輒等力主其議一朝先生 啓罷之皆  
心不能平閔越文承其意於 經席 啓曰國事既與大臣  
訖定而旋以一人之言改之不幾於道旁作舍乎後輒又  
啓則其時若一月不罷則事已就緒而為人言所撓追悔莫  
及 文昭殿之訖越先生欲因此機正 太祖東向之位  
定昭穆南北之序具圖貼說以進 上特命召對乃下其議  
大臣禮官以為不可而止 金誠一

戊辰冬先生在京歸意已定性傳稟云士君子生世豈但守退



去一節只相其時如何今主上向意為治恐無可去之義

先生曰君亦有是言耶如我者在此何所為耶相知者不諒  
吾情他尚何說其去就之間確然不苟如此

禹性傳

先生絕意名宦金安老敗乃躋顯要中宗末年受由辭故蓋

將以永退也而召命輒下勢有所難處或上狀或陳疏苦

辭未得義盡勢迫不獲已而就焉

禹性傳

先生戊辰之出不可謂無其意而一時老事之徒慙之泛泛度  
時日饗利祿者相環也凡先生所欲為皆被之所忌或有違  
白非惟泥而不行又從而指目之動輒為矛盾不得一有施  
設則不為其事而享其爵祿豈先生之心哉其與人書曰在  
此不穩事逐日如麻安得不急於改計耶其意可知也

禹性傳



戊辰冬與高峰侍坐高峯戒性傳曰為學必以聖賢自期當官  
必以盡職為心且云凡人不可有避事之計先生曰此言甚  
好宜各自勉但避事之言不可以一槩論也如某近日拜爵  
必辭遇事必縮固似避事之計然山野之人未諳朝廷事宜  
而欲免避事之嫌便當遇事擔當則非徒有不勝其任之敗  
必獲妄作之罪矣 病性傳

己巳春上章乞骸劄四上猶不已 上知不可留乃召見便殿  
問所欲言 命馳驛遣還士林咸惜其去至有潸泣咨嗟者  
洪右相遲書白鷗波浩蕩萬里誰能馴之句以寄之先生答  
以尚憐終南山回首清渭濱之句乃信宿江寺而行 金誠一  
己巳之退言於人曰吾在都中病益深痼日且寒泣每念田書



隱嘿官京師遇寒疾不汗五日死之語常以死於城中為懼  
未嘗一日安寢及出都門自慰曰此後雖死途中何恨之有  
李德弼

先生曰我之進退前後似異前則聞命輒往後則有徵必

辭雖往亦不敢留蓋位卑則責輕猶可一出官尊則任大豈

宜輕進昔有人

失其名

除大官則輒往曰

上恩至重何可退

也余意則似不然若不顧出處之義而徒以君寵為重則是  
君使臣之事君不以禮義而以爵祿也其可乎

金誠一

一日講論語危邦不入亂邦不居章至小註朱子曰有道不必  
待十分太平然後出無道亦不必待十分大亂然後隱有道  
如天將曉雖未甚明然自此向明去不可不出無道如天將



夜雖未甚暗然自此向暗去須見幾而作性傳向明而暗云  
者只是見人君之賢否而進退耶荅曰不獨是見君之賢否  
君雖賢其當國大臣若有妨撓之事不得行我所為則不可  
仕也故朱子遇孝宗之時孝宗質美三代以下罕出之主而  
又招之甚誠可以仕矣先生一聞宰執有不平之語即棄而  
去之問君雖不如孝宗而在朝無如此之人則可以仕乎曰  
然寧宗大不及孝宗而即位之初朱子就召及其信任韓侂  
冑然後乃退

禹性傳○右一節乙丑所聞於此言  
可見先生平日出處之大槩也奉註

性傳嘗問使朱子當已卯而被召則朱子出歟先生曰必出矣  
然已卯人未未稍傷於太過靜菴欲矯其失而諸率以輩不  
從使朱子當此必不一日在朝廷也

禹性傳



問仕宦者義有當退則君雖留之而亦可拜疏不待命徑去石  
先生曰昔杜範當理宗時為叅政以言不用抗疏請退帝怒  
留之範猶力請不已帝命閉城門不許範出範蓋欲不待命  
而徑去故也范純仁自謫所放歸中途徽宗遣使召之純仁  
辭以老病直還田里吳澄去國之日不請而徑去帝遣使追  
之不及以此觀之古人亦有不待命而去者

金誠一

常謂學者曰古有致仕之禮所以崇廉恥勵節義也至於宋時  
雖不及致仕之年亦許恬退以遂其志其待士之道可謂有  
禮矣後世此路纂塞一入韉更無許退之期可勝歎哉

金誠

問士雖為貧而仕舉主苟非其人則其可出耶先生曰不可出



也 李國瓌

事君

先生入公門必張拱疾趨未嘗緩步嘗為三殿講拜自始至

終齊遼翼如未見勞倦之色 金誠一

君命至門必祗栗惕息亟具冠帶出門祗近奉置正廳案上下  
階四拜然後上堂跪讀又下階四拜 金誠一

召命每下雖移疾不起常坐不安席夙夜憂惕以俟後命如不  
得 允則或輿疾登道行且上辭期於得 旨而後已 金誠一

先生遭 明廟喪在京之日累月食素氣極萎靡門人子弟交

謁憂諫請以從權皆不聽至於不可支吾乃行權七八日及

歸發程卽復素以終卒哭 禹性傳



先生戊辰入都即求差獻官於康陵

禹性傳曰初明廟因山將近先生以病還鄉

未赴哭班至是求差獻官○李安道

國恤三年內朔望陪祭日未及就府中

先生時為齊宿禹性傳曰此一

節時鮮有行之者創見而記之本註

明廟昇遐朝廷使先生撰行狀諸僚考出政院日記其中有記

明廟好賢之意而詳載召先生首末緒聞至此瞿然曰此

非某所敢撰也某欺罔先王已極尋常兢惕尤不可冒撰

即起出大臣以為非先生不可乃令削此語而撰之禹性傳

上之初即位英明穎悟人皆望聖德之成就未幾源俗之言

日聒于前先生承召入京雖加寵敬而無典學之志先生

或啓于經席或上疏章勉以聖學上優容而已先生



本執譴退又見言不採用歸意益決乃集先賢所作圖補以  
已意為聖學十圖以進先生曰吾之報國止此而已李珣

進聖學十圖 上乃命作屏又印頒羣臣後 上嘗於夜對令

進講是圖侍 經幄者莫有闡明其義者皆以不知對遂不

果講聞者莫不恨之 金誠一

雖退閒年久憂國之念老而益篤往往與學者言及國事輒嘯

唏感憤 鄭惟一

愛君憂國之心不以進退而有間聞一政令之善喜不能寐或

舉措失宜憂形於色常以輔養君德扶護士林為先務 金誠一

告君陳戒

庚子十二月八日以正言八對朝講 啓曰唐玄宗明達之主



也非不知以官爵賞功之非也以前日昇平奢侈不節用府庫虛竭計無所出不得已為之耳方今府庫虛竭請節約用度設遇事變不至大段狼狽也

堂啓  
日記

丁未九月二十七日以應教八侍朝講論語臨文 啓曰聖人

教人各因其材者所以因其材之近而成就之使孔子得位行道則其用人亦當各因其材取其所長而任之矣人君兼君師之責養育人材當以此為法而其於用人亦當以是為則也須於此等處 體念焉前篇云周監於二代之郁于文武吾從周此篇又言如用之則吾從先進其言雖異先進之於禮樂文質得宜即監於二代之文故欲從之從先進是亦從周之意也周末禮崩樂壞文勝滅質故欲挽時弊而如是



言之也

堂啓  
日記

戊辰九月三日月夕講

啓曰大抵自古人君務去私意近來內

需寺李紳訟事快從公論物情感喜慕義殿入番宗親內官

等賞資亦係私恩而亦從諫還叔

聖德至矣事盡如此則

堯舜之治亦將不遠興情欣悅矣但有一說其時石尚官論

啓

之時

教以當自內處之此似以

闕內得失外廷不得是

非之意也

傳教之意似為未安與前日李紳訟事及還寢

私恩之事正相反也古之聖王闕內之事外廷無不豫知宦

官官妾無不領於冢宰曰諸葛亮告後主曰宮中府中俱為

一體陟罰臧否不宜異同若有作奸犯科及為忠善者宜付

有司論其刑賞以昭陛下平明之治不宜偏私使內外異法



亦此意也。石尚宮之罪微事耳。而推類而言。前頭設有關係。國家者。誘以內間之事。不許外庭爭執。則奸佞逢迎。馴致敗亡之禍。可不懼哉。因出所書朱子上孝宗封事於袖中而讀之。曰。古先聖王兢業持守此心。雖在紛華波蕩之中。幽獨得肆之地。而所以精之一之克之復之。如對神明。如臨淵谷。未嘗敢有頃刻之怠。然惟恐其隱微之間。或有差失。而不自知也。是以建師保之官。列諫諍之職。而凡其飲食酒漿衣服次舍器用財賄與夫宦官宮妾之政。無一不領於冢宰之官。使其左右前後一動一靜。無不制以有司之法。而無纖芥之隙。瞬息之頃。得以隱其毫髮之私。蓋雖以一人之尊。深居九重之邃。而凜然若立乎宗廟之中。朝廷之上。此先王之治。



所以由內及外自微至著精粹純白無小瑕翳而其遺風餘

烈猶可以為後世法程也

臣竊見周禮天官冢宰一篇乃周

功處微知三代人主正心

誠意之學於此考

之意最深

戊辰九月九日八侍朝

講論語因

啓曰

聖學日漸高明

勿以文理語意無不通曉自多也徒知音義句讀而無自得

之實則無益於聖學也子曰學而不思則罔思而不學則

殆釋之者不求諸心故昏而無得不習其事故危而不安為

學須要體驗於心然後得之已真寔無雜也盡通諸經而無

心得之實則昏而無得思之心而不能習熟則殆而不安近

平先生語朱子曰此道理全在日用處熟日用動靜語默之

間發見處皆天理也存心省察習於其事然後所知為寔得



此乃真學問也聖賢格言不但朝晝觀之夜半心境靜處體  
認天理日用間省察朝晝所為體行既熟則聖學宗矣古  
人云有大疑者必有大寤不思不行則無疑而無寤也堂記  
十月十三日入侍夕講進啓曰近來日食乃大變而又有冬  
雷之變頃者乃命疏放而又使還復賢良科此亦謹災之  
事不可不為也但以先王遇災知懼側身修德之事觀之則  
疏放復科乃文具之一事而修德即其本也只舉文具而緩  
於修德則其所為皆歸於空虛而無以感動上天矣常時人  
君敬天畏天事天三者皆能盡其道而無少間斷然後遇災  
知懼側身修德至誠上格天心而轉災變為福祥矣是以詩  
言敬天之道曰敬之々々天惟顯思命不易哉母曰高々在



上陟降厥士日監在茲蓋天理流行無物不在無時不然日  
間所為少或違於天理而流於人慾則非所以敬天也故詩  
又曰敬天之怒無敢戲豫敬天之渝無敢馳驅昊天曰明及  
甬出王昊天曰朝及甬遊行此乃戒幽王之詩幽王不知敬  
天故言此而曉之也昊天曰朝及甬遊行者朝亦明也言人  
君之遊行天無所不及也天監昭々豈不可畏故詩又曰畏  
天之威于是保之又曰神之格思不可度思矧可厭思敬天  
畏天之道理如此矣孟子亦曰存其心養其性所以事天也  
事天之道只在於存養心性而已說此理分明者乃西銘也  
其書言乾坤乃人之大父母也人之父母人各所有之父母  
乾坤卽天下萬物所共有之大父母則人皆吾之同胞萬物



皆吾與者所以明其一體之意也故因事親之道以明事天  
之道者西銘也其文云子時保之子之翼也卽前所陳詩畏  
天威于時保之之言引之以譬子之敬親也不愧屋漏為無  
忝以比子之無忝其親也存心養性為匪懈以比子之事親  
不懈也此極言事天之道當如孝子之事親不但為學者所  
當體念理會在人君受用尤為親坊人君事天之道實不外  
此矣今也小學將畢而大學則已講宜講此書為今日目前  
工夫者在乎此為他日優入聖人地位者亦在乎此矣

堂啓  
日記

己巳三月四日

上御夜對廳引見諭之曰卿年未七十非致

仕之日何以遽欲歸耶對曰小臣無狀不得已退去之事甚

多只舉大槩亦五六事也臣年雖未滿七十而今已六十九



歲也 皇朝薛瑄六十九歲致仕以古事見之可以致仕者  
一也自少沉痾之疾到老益深其中心病尤甚少失調保則  
必至喪身欲於未死之前乞骸而退者二也自嘉善以上本  
無立朝踐歷虛冒於退伏中蠲躋崇品尸位素餐負國懈  
息之事不可勝數茲未得一日冒慶者三也老鈍空跡不及  
衆人甚遠未知何以得虛名欺罔一世至於上欺 天日往  
經席之上上過情無實之言指小臣而 啓之者有之是  
以 傳教間有虛佇荷重之意不但在小臣私分萬分惶懼  
其在國體尤有所大段妨害者尤不可在朝者四也無才無  
德而責望太重欲達明某事則必至於妄作以誤國事如避  
妄作而不為則必將得罪於上下茲欲退去者五也其他小



小之事不可盡陳矣 上曰卿今欲歸無乃有歆言者乎對  
曰小臣常時無學問之力識見亦不明有何可言但近伏見  
傳教祔廟時以餘哀未忘儺禮歌謠山臺雜事並 命停寢  
可見 孝思有所不忍臣誠感激涕泣小臣無狀逢此 盛  
代遽請退去情事缺然不勝感涕然古人云憂治世而危明  
主蓋明主有絕人之資治世無可憂之防有絕人之資則以  
獨智御世而有輕忽羣下之意無可憂之則人主必生驕侈  
之心此誠可慮也今古亦可謂平治矣然南北有饕生民困  
悴府庫空虛將至於國非其國猝然有事變不無土崩瓦解  
之勢不可謂無可虞之防也 聖質高明 經席之上精通  
文義羣臣才智不足以滿 聖意故論議處事之間不無歷



倒臣僚獨智御世之漸識者預以為慮矣小臣前日圖上乾卦飛龍在天之上又有亢龍有悔之言夫飛龍在天乃人主極尊之位而其上又有一位則過高矣故過自高亢不肯與臣下同心同德則賢人在下位而無輔所謂亢龍有悔也夫龍之為物以雲而神其變化澤被萬物人主不肯與下人同心同德則如龍之無雲雖欲神其變化澤被萬物其可得乎夫太平極則必有生亂之漸若謂今日無干戈之亂小放其心或有高亢之意或有偏私之狃則如挽舟逆水而一放手也舟忽下流遇風波而顛覆在於頃刻豈非大可懼哉然必學問工夫不廢頃刻然後可勝私意夫勝私工夫昭在聖賢遺書如克己復禮等訓是也主此而做工則學問工夫日深



而獨智馭世之病與高亢之心一己之私皆無所事於除去  
而自至於消釋矣小臣幸八經造言語拙訥立談間不能  
詳陳故極知僭妄而敢進聖學十圖此非小臣私意之所作  
皆出先賢之手其間臣只補一二圖而已常於此留心焉則  
設令小臣累年侍講其所陳啓無以外此矣若小學圖白  
鹿洞規圖雖前所無而非小臣自創也只以朱子小學題目  
及白鹿洞規排列作圖少無添入於朱子本意之外也夙興  
夜寐歲圖亦小臣為之然用先賢所作箴語依倣敬齋箴圖  
而為之矣其工夫則前日劄子以思字學字為主意以此致  
力焉則其中義理必自覺得至於用力之久而所得益深則  
清明在躬而發揮於事業可知此小臣願忠納誨之誠也



上曰十圖中心統性情圖凡三而中圖下圖卿為之耶對曰  
此果小臣妄作朕上一圖程氏復心作而理氣分言處多有  
未穩故舍之而以孟子與程朱之所論本然之性氣質之性  
分作中下圖本然之性主於理而言氣質之性兼理氣而言  
以情言之則循理而發者為四端合理氣而發者為七情而  
孟子程朱皆分而言之故中圖以本然之性主四端而為之  
下圖以氣質之性主七情而為之此雖小臣一所謂而皆援引  
聖賢之語一毫不敢雜以小臣之妄見矣勿以人微而忽之  
必曰此乃聖賢之言必不我欺也顧謔而潛心為真知實踐  
意味日深猶翬然於口矣 上曰心統性情何謂也對曰  
西銘云天地之塞吾其體天地之帥吾其性夫氣為形而理



具於其中合理氣為心而為一身之主宰焉所謂理具於其中者性也自性發用者情也性則理氣合而為一身之主宰者非統性情者乎蓋盛貯是性心也發用亦心也此所以心統性情也後先生以道中一所對有未盡改定其說曰理氣也而盛貯蓋載此性者心也動而應萬事情也而盛貯發此情者亦心也故曰心統性情以寄奇明產使然問以是仰對焉

上曰虛靈在上而知覺在下何也對曰虛靈心之本體知覺乃所以應接事物者也所以如此矣上曰更無可言者乎對曰我聖朝祖宗深恩厚澤功德巍巍而但士林之禍超於中葉廢朝戊午甲子之事不須言矣中宗明聖不幸已卯禍起一時賢人君子皆被大罪自是邪正相雜奸人



得時報復私惡之時必指為已卯餘習士林之禍連續而起自古未有如此之時也 明宗初冲權奸得志一人敗又一人出相繼用事士林之禍有不忍言者臣既注之事 啓之者欲為將來之大戒也自古人君初政求賢納諫正人進用抹過糾違引君當道故凡人主所欲隨事爭執人主不得自用而嚴憚嚴苦之心生矣於是奸人乘隙而逢迎之人主之心以為若用此人則吾所欲為無不如意自此遂與小人合而正人君子無著手處朕後小人得志招朋引類無所不為方今初政似無可虞諫臣之言屈意從之無大過矣然此時一時勉強而已久而奸人俟隙投間 聖心一移則安保其如今日之勉強乎如此則邪正分黨奸人必勝與初政大



相反者多矣以唐玄宗觀之則開元時如姚崇宋璟羣賢  
滿朝以致太平而玄宗多慾又貪女色君子則諫之而李林  
甫楊國忠輩專事逢迎於是君子逐而小人用終致天寶  
之亂一君之事而如二人焉者初與君子合終與小人合故  
也 聖明以此為大監戒保護善類勿使小人陷之則此  
宗社生民之福也 上曰戒告之言當日日勉戒焉但卿於  
朝臣無可薦者乎對曰今日三公皆清慎六卿無可耶匿  
朝廷如此誠不易也若別有一番人出則雖或欲有施為今  
姑母以此等人為不足而輕為易置也至於首相當危疑之  
際不動聲色而措國勢於泰山之安誠國家柱石之臣所當  
倚重者意其無出於此人也 上曰學問之人無可薦者乎



對曰此則難言也向意之人則在今非止一二昔有問於程  
子曰門人孰有所得乎程子曰謂之有所得則不易言也其  
時如游酢揚時謝良佐張繹李顥尹享有火諸人在門  
下而不許以有所得况臣何敢以某人有所得仰欺天子  
其中如竒大升多見文字於理學所見最為超詣乃通儒也  
但收歛工夫少此未盡處也小臣常時勉之以刻意加功而  
未能痛下工夫然如此儒臣亦不易得也

堂后  
日記

### 居官 附教子弟居官

讀書堂官負雖輪番相代而例以他官充選職事鞅掌勿勿  
出八無久處讀書者先生亦預是選雖常在禁從而性好閒  
寂至已番則常在書堂不入城中或代他番仍居之故近世



讀書官能耐久處者必稱先生焉 鄭惟一

性傳嘗過丹陽逢老氓問從前太守孰為善治氓對以黃俊良又問此其寂无否曰李某其无也性傳問然則何以先說黃某答曰黃近而又有陳䟽除貢賦一事故也李公來莅未久雖無建白而舉措之間服人心志使人愛慕至今不忘耳禹性傳

時事一變先生無意行道丹陽之出蓋將為賦歸計也簿書之暇惟以書史自娛或獨往龜潭石門之間徜徉終日而返比還行李蕭然只載三箇怪石而已移守豐基留意學校武陵周慎齋曾創白雲洞書院而事尚未竟先生上書方伯轉達于朝其賜額頒文蓋自先生始也暇日到院中與諸生



講學不倦必以古人為己之學諄復告諭焉

金誠一

先生之去丹陽行道行嶺官卒負麻束而前曰此衙田所收例為行需故追納之先生曰非我所令汝何負來卻去

李德弘

解豐基歸家之日行橐蕭然唯書籍數籍馱而已其所戚枉籠

到家還付官卒

李安道

吏治一以簡靜不擾為尚其收賦於民也雖甚輕約而若民所當為者亦無所增減不為違道干譽之事故人謂先生不及於周慎齋云蓋慎齋為政頗用術數顛倒一郡之民故民翕然稱之先生惻惻無華一以其正其待吏民一以誠信不逆其欺詐也人不知日計不足而歲計有餘故云耳然此豈足以論先生輕重哉

金誠一



問父兄為邑宰子弟徃從於義何如先生曰以國法揆之妻子  
雖當率去而已嫁之女子不許帶行則子弟之不去為是但  
以古事揆之李信甫任鉛山時延平先生時亦徃來或與夫  
人同徃以父從子猶可況子弟乎朕古今異宜而中原與本  
國郡縣之制大有不同中原則為郡縣者皆有月俸雖徃事  
俯育以及親戚猶無害也今則無月俸之制而以官物為已  
用則多辜子弟溷煩官舍豈合義乎為子弟者雖因覲省  
徃來不可留連以貽其弊也

金誠一〇自京大同設法後始  
有守令月俸當先生時每月俸

為大司成以作人為已任通文四學以勸勉又設策問以為學  
之道時士習已敗反以為迂無一人對策者

金誠一

館學儒生以飲食美惡為養士之能否少不如意則謗議沸騰



官員或曲為要譽供頓極其豐美庫財蕩盡典僕亦不支  
先生深以為非及為館官惟以禮義養士而口體之養不為  
致力館中皆怪怒先生知士習不可復未幾移疾不出

全誠一

與子寓書曰見書知好去上 殿深慰凡事千萬謹慎毋貽羞  
悔大抵身在冷官若不以恬靜苦 缺為心必有為所不當為  
之事更須戒之更須戒之 家書

又曰所送雜物官本清冷雖或有俸食之餘亦必不多今貿物  
馱送於我心至為未安蓋小小食物則無害若勉強過為則  
非居官者清心省事之道竊恐習慣如此後日難收拾也近  
見門蔭之人至為守令無知妄作專利一己不顧其他令人  
憊悶人心至危真可戒也 家書



又曰銀唇

名魚

出處知無妨故受之大抵為親之心雖切若小有

非義苟得之物不可耳

家書

又曰納炭事觀奴輩之意欲依汝圖賀於慶州地輸納此甚非便故禁叱而送汝亦勿聽所以然者恐籍口作弊耳

家書

又曰倭寇聲息甚惡凡食祿者皆當思效忠節不可萌規避之心但參奉以護衛御容為職萬有警急不可不預稟而

擅便為之

家書○集慶殿奉安太祖御容故云

又曰近見金生溟其所歷驛路聞驛奴等語每云察訪雖有善意只緣長在本宅本驛吏乘時侵暴不勝其苦如出一口云無汝過於寬縱下人不為畏戢故能耶千萬留心摘

發痛治庶少免過

家書○時寓為安奇察訪



又曰傳聞不及容行之八界汝於凡事每不為汲汲赴期之計  
此甚不可須十分操心勿至生事為老父者大抵 國使待之  
之禮極隆何可慢忽而有不及事之累乎於事體甚關故云 家書  
退溪言行錄卷之四

類編

論理氣

先引朱子書教德弘曰心雖主乎一身其體之虛靈足以管乎天下之理 此自人而

理雖散在事物其用之微妙實不外人之心 此自物而言 初不可以外外精

粗論註理雖在物而用實在心窮理者須先知此義之如

何 李德弘

問理字之義先生曰若後先儒造舟行水造車行遠之說仔細



思量則餘皆可推也夫舟當行水車當行陸此理也舟而行  
陸車而行水則非其理也君當仁臣當敬父當慈子當孝則  
此理也君而不仁臣而不敬父而不慈子而不孝則非其理  
也以此而推之則理之實處可知也又曰事有大小而理無  
大小放之無外者此理也歛之無內者亦此理也無方所無  
刑體隨處充足各具一極未見有欠缺處

金誠一

問鑰器水實則沈虛則浮此理之實體否先生曰然是晦庵所  
謂車不行水舟不行陸之類甚善又問理字曰朱子曰凡事  
物之當然而不容已所以然而不可易者是理蓋所當然即  
君當仁子當孝之類所以然即所以仁所以孝者便是曰車  
不行水舟不行陸其義如何曰這箇包括無限意味君於此



語反覆研精舟何以行水而不能行於陸車何以行陸而不能行於水思之又思久而爛孰則自有通達之時矣豈言語

之所形容者

李德弘

問鳶飛戾天魚躍于淵此莫是車不行水舟不行陸之義與先生曰其間不無此意思此則實道之妙用上下照著流動充滿之義故朱子曰道之流行發見於天地之間無所不在在上則鳶之飛而戾于天者此也在下則魚之躍而出于淵者此也在人則日用之間人倫之際夫婦之所知所能而聖人之所不知不能者亦此也此其流行發見於上下之間者可謂著矣今若以車不行水舟不行陸之義推之鳶陽物也故戾于天而不得潛于水魚陰物也故躍于淵而不得飛于天孰



使之𦵏也此自然之妙不容已之地要在默而識之曰潑潑

東坡註月光照水浮動貌然否曰釋氏亦用此語其學知有

心而不知有理東坡此註蓋為釋氏主心而發

釋氏云心有光燥地本註

不合於中庸本義嘗考韻會潑棄水也凡水棄之則分散灑

著此重言潑潑蓋喻此理之分散著落各有條別上天下水

無不昭著之義曰潑潑或云天理流行無所礙滯之妙𦵏否

曰此活字之義非潑潑之義曰𦵏則所謂活潑潑地者非釋

氏之意耶曰朱子曰此但俚俗之常談釋氏蓋嘗言之而吾

亦言之耳况吾之所言雖與彼同而所形容實與彼異若吾

之所謂則夫道之體用固無不在然鳶而必戾于天魚而必

躍于淵是君君臣臣父父子子各止其所而不可亂也若如



釋氏之云則鳶可以躍淵而魚可以戾天矣安可同日而語哉且子思而夫婦言之所以明人事之至近而天理在焉釋氏則舉此而絕之矣又安可同日而語哉此言明

問鳶飛魚躍與有事勿正勿忘勿助之義同者何也先生曰鳶飛魚躍狀化育流行上下昭著莫非此理之用天惟無欲故理氣流行自然無一息間斷人必有所事而無期待去念助長之病則本體呈露妙用顯行亦無一息之間其衆乃如此

金誠一

嘗日子思鳶飛魚躍之旨明道以為與必有事焉而勿正之意同知此然後可知天淵之妙

金時

問人同稟一元之氣而氣質之不同何也先生曰人之生也雖



曰同稟一元之氣而一元之氣亦自不齊蓋自一元而分為陰陽則其氣固有清濁之分陰陽又分為五行則其為氣也或生或克或順或逆或升或降或往或復或來或去或闢或闔或闔或旺或衰紛編交盪顛倒錯綜淳漓清濁有萬不齊人稟是氣而生則其氣質之不同何足怪乎先儒所理騰倒到今日者正指二五不齊處言也 金誠一

問大學或問經一章小註黃氏曰天道理陰陽五行氣合而言之則氣即理一陰一陽之謂道是也然則分而言之其義如何合而言之其義亦如何而抑無先後之可言歟先生曰朱子曰天地之間有理有氣理也者形而上之道也氣也者形而下之器也道者生物之本器者生物之具也故人物之生必



稟此理然後有性必稟此氣然後有性其形其性雖不外一身然道器之間分際甚明不可亂也蔡節齋曰先有理後有氣者形而上下之謂也有則俱有者道卽器也之謂蓋不分言先後則理氣不明不合言理氣則判為二物如性之與情未發已發自有先後固不可道性情同時有也然情之本實具於性是有此性卽有是情也有則俱有道卽器皆程子之說也或又問於朱子曰必有理然後有氣如何曰此本無先後之可言然必欲推氣之所從來則須說先有是理然理非別有一物卽存乎氣之中無是氣理無掛搭處今以此三說推之理與氣本不相離而亦不相離不分而言則混為一物而不知其不相離也不合而言則判為二物而不知其不相離



也 李德弘

問君臣之理固具於我草木之理亦皆與我同日不可下同字  
只是一已而如有形之物則必有彼此理無形底物事何  
嘗分彼此子思於中庸只言天下之大本凡此坐中吾有大  
本君亦有大本此外雖千千萬萬人皆有大本彼不借於我我  
不借於彼若有形底物事則彼多則此不足我得則君不得  
此無形底物豈有彼此物我之分乎但存則不失否則失之  
因云朱先生以理比水云鰕魚肚裏有水此點水也鯉魚肚  
裏有水此亦水也此言無彼此也某則猶以此比為未精蓋  
水有形也理無形也

禹性傳

論禮

冠昏喪祭



問家禮前一日宿賓儀禮註曰宿進也謂進之使知冠日當來

補註曰是隔宿戒之從何為是先生曰補註是金醉○此以下冠禮

問家禮註司馬溫公曰古者冠用醴醴乃一宿醇酒也而溫公

曰今私家無醴是醴何醴也先生曰非今之所謂醴也乃五

齊之醴也金醉

昏禮類廢世無行之者丁卯因朴櫬先生孫瑋之來始倣古禮為壻

婦禮見儀然恐其有駭於聞見不能盡從古禮不數年京鄉

士大夫於昏嫁之時不得行此禮見之儀往往直行古禮究

其所以則蓋權輿於此也李安道○此以下昏禮

或人問家第為人養子而吾祖母喪未葬有人求昏養父主

昏於義何如先生曰不問我而為之則已既問則吾豈可以



非禮教人為之也其人卒不為昏

金富倫

中廟之喪朝議欲於卒哭後用黑笠黑帝先生時在玉堂與同

僚獻議正之

金誠一。此以下喪禮

明廟之喪先生以五禮儀君臣哀制多不倫欲依朱子君臣服制

議參酌更定諭諸禮曹禮曹堂上難

先生曰諸生就館

時太學生以論著雨不得請空館

所不得已若不就館其於

國藝發引必廢哭送之禮大禮何忍廢也杜傳疑城中士子

莫非王臣皆可出郊哭送君喪諸生亦可於路下散處哭

送不須成班列如在館時而後為之也答曰不可若無班次

不可往哭此非無情分敢也

禹圭傳

嘗曰我朝哀制戾於古禮輕其所重重其所輕大是未安以儀



禮言在朝者為君皆斬衰畿民齊衰三月而除外民無服而  
今者勿論在朝與外民皆白衣白笠無別若此邈方或有帝  
白而改漁者豈不悖於情哉曾聞花潭值中廟喪疏論此  
事政院以仁廟凡間提起喪事必至慟傷故封還不八云  
聞其疏中所論極有義理

禹壯傳

問今在國恤之中方服素帶黑則改葬易服時當脫去黑帶  
而帶衰帶乎君父之喪不可相厭否先生曰以禮觀之不可  
脫黑以今情言之不脫似難

金誠一

又問凡服重服而遭輕喪則亦有服其服而吊哭之文今在  
國恤而遭改葬之服亦脫黑而帶素於情禮似無礙不審禮  
不可脫黑而今情似難者何謂也先生曰禮君喪在身不敢



服私喪云云此通指親喪而言也未服者不敢服既服者不敢除者古之義也今白冠衣黑帶君喪也而乃欲改葬親而脫黑服麻則非古禮也故云不可脫黑也然今人當國恤遭親喪例皆服喪則獨於改葬親而不脫黑服麻似駭俗故云以今言之似亦難耳

金誠一

述昔諸先生門下適值國喪之時有門喪先生不許墓功成服其所謂成服者卽世俗布帶也問有君喪則雖士人亦不敢服期功之服乎答曰頭戴君喪白笠腰著私喪布帶一身而無公私之服豈可乎自是始知有國喪則不敢服期功之私服也

鄭述

戊辰冬仲兄遭所後父清原公憂又遭本生貞夫人憂千里兩



喪偕出一時斬衰服未成而殯衰計已至落曜酷變禮有難處禹性傳徃復稟質于先生成服禮訖奉計設位既又成服而雷重喪一日乃始奔哭本生喪先生命也

出鄭  
鄭亮

問七星板穿用北斗形何義歟先生曰南斗司生北斗司死故也

金眸

問家禮成服腰經散垂三尺厥後不言其絞散垂終三年乎曰無三年散垂之理如此處恐或未備問按禮記小歛環經散帶成服繆經絞散帶交哭弁經可如此行之否曰節文太繁恐不可從只得依家禮小歛括髮成服腰經只不散垂為當

禹性傳

嘗云其父卒而為祖父母承重者其母在則其妻為祖父母只



服本服大功不可服齊斬蓋未為嫡也

又云此語見通典為性傳

問庶子為嫡母父母兄弟姊妹皆有服乃畏服也而國制無

之何如先生曰為之好

金時

問易月之制雖祖父母兄弟之喪期月之外不許持服在官者

皆吉冠後仕其來已久不可卒改也祇當國事固宜如此若

四館齊進等宴乃私會也為右位者斷以時王之制強之參

宴則如之何先生曰昔呂子約為東萊之喪解官持服朝廷

許之君子至今以為美談若欲持服當如此然後方行已志不

然則只得從俗而已吾於時王之制蓋無如何耳

金誠一

又曰禮無兩是事無兩便在官者若欲必行已志事多艱礙終

未見其可也

金誠一



嘗謂學者曰吾東方喪紀廢毀無可言者世俗例於奠送祥祭之日喪家必設酒食以待吊客客之無知者或醉或達朝甚無謂也君輩其講求處是之道及易簣之日遣命戒之

金誠一

問妻妾有服以其已有服衰之禮準之使自別處善謹其三年乎或云卒哭可也或云小祥可也孰是先生曰禮婦人奔父母喪練而歸

李國弼

與子寓書曰以余衰病固難強執但時無緣素加苦之患何敢輕減重服耶古人五服皆成服今自期功以下只以經帶行之太簡太薄若又輕易開素則是簡中又簡薄中又薄余所以不敢輕減也若因此有加患余豈不計軀命而膠泥乎

家書



問初喪上食時撤朝夕奠否先生曰勿撤可也

金富倫

又曰禮未葬前奠用一酌云云且未葬前考妣位合祭者无非禮也

金富倫

又曰禮未葬啜粥云者以古者士踰月大夫三月而葬也今或葬不及期而過時而葬者氣力羸悴則不可一執禮經而致病也

金富倫

與子寓書曰喪主於家每事考家禮無問時俗通行之宜勉力操心勿取譏議於人至可至可況汝等皆不及行汝母之喪此喪即汝母之喪以此為則心自不容於不謹矣或與親母有間此乃無知之論陷人於非義不可聽也今京中士大夫喪禮雖未盡合禮亦多可觀汝等若不及於古而又取議於今則



其何以立身乎但母使過用氣力而至於生病耳家書。丙午寓丁權

夫人

鄉人有伐黃腸木為槨以葬其親先生曰雖欲厚葬其親豈可

伐禁木乎乃引虧姑成婦之事以責之金誠一。虧姑成婦事見左傳初齊姜之姑穢姜使

擇美檀以自為槨齊姜薨季文子取以葬君子曰非禮也虧姑以淑婦道其大焉蓋哉虧其姑之事而成其婦之槨也先生之意蓋以黃腸木國家棺材而私自葬親有類於虧姑成婦

問塋域四方築環堵以脩不虛何如先生曰非古也築牆不已

則將至於築室李國卿

嘗曰廬墓之制出於後世葬而返魂禮也但人家内外之分男

女之別不能斬然則喪祭恐不能謹嚴終有所未安者金誠一

金就礪問內喪以男奴為祭僕何如先生曰此是非禮若以女



僕為之則似當而廬所畜婢子又未安以子弟為執事陳設  
諸事皆令子弟行之似合禮嘗觀 宗廟之祭大祝啓 君

之主櫝內官啓 小君之櫝亦以此也 金誠一

嘗曰今人吊內喪者雖非親戚而直拜靈座前此非禮也生時  
未有通家升堂之分則內外之禮截然不可亂也 金誠一

與子寓書曰汝有非輕之病不可固執况唐疾本因脾胃受病而

作今送乾脯數脰令汝從權開素汝不可違吾悶懣之意今

日缺二即用肉汴雖開素仍帶經帶不妨但不可對人飲食

或與衆坐當有飲食之事則起避之此非飾偽諱食而然乃

自貶以示不敢齒人之意也蓋為病開素不得已從權故耳

家書

又曰汝若來則騫亦素食可也但亦有禁君勢不可皆素則當



食時汝須別處食之不當與肉食之人對食也

家書。戊申春寓持心書時總

侍先生丹陽任一昕時也

嘗曰昔人當喪得病令女僕供湯藥仍得不謹之平名生軼軻於世別嫌不可不嚴也 金誠一

問合葬先生曰夫婦一體合葬亦古禮也問同槨如何曰同槨亦宜問葬之先後曰喪在一時則先輕後重禮也 金富倫

問葬後考妣合祭曰喪有先後則吉凶有異不可更援已吉之主而混祭今世之俗葬後必合祭此禮古所未有也 金富倫

問合葬虞祭祝文曰遷墓而合室則虞祭時必有兩祝固是富倫

問改葬服緦麻三月古禮也七日今制也今之改葬父母而為之服者



以古乎以今乎曰以今似非 李國弼

柳仲淹為人後丁本生母喪期後不忍脫衰堅欲終制先生曰  
先生制禮不可過也豈可輕情直行乎既為人後而又欲顧  
私親則是二本也其可乎 金誠一

己巳二月李先先生請於文昭殿正 太祖東向及昭穆立位不

後時 仁 明兩廟將祔 文昭殿殿之祔享位次 太祖居

北南向昭穆東西向而殿宇南北短東西長 仁 明祔于祔

享則殿宇不容故大臣欲折開殿宇補其南以容加設之位

先生以為古者祔享之位太祖東向昭穆南北向我朝 宗

廟無祔享之議只於原廟

即文昭殿

有祔享而位次非古若因此

會正 太祖東向之位南北昭穆相對則無折開殿宇之弊有



因俗反古之義遂作圖為說而進之 上議于大臣大臣以

為原廟不可施古禮且此位之設已過百四十年今不可遷

變議遂不行按人君之奉先當崇重於宗廟而原廟非所當

設也李純文自度自今不能廢原廟故欲就原中行古禮是

亦處變而得正也 主上既不好古大臣又無識量以沮儒

者之議宜賢者之不畱也

李珣曰此以下祭禮

上嘗問昭穆之制對曰凡宗廟之制太祖東向而坐昭則居北

而向南南即取其明也穆則居南而向北北即取其幽深之

意也故尊位則必自西而東向昭穆則分左右而為位也

李安

道

中朝去文廟追崇之跡改題先聖先師朝廷亦有欲遵是制者



先生曰聖人之德雖不以封贈而有所加損然尊以是號世  
代已久程朱大儒亦無異議而一朝削去實所未安今此舉  
措何可輕議

金誠一

金富弼問易東書院尊祀程朱兩先生何如先生曰兩先生皆  
大有功於易學者也既曰易東則立廟尊祀配己禹祭酒固  
是盛事但院中諸事草草已甚既無學田又鮮典僕卒能建  
此重禮終至於廢慢則求以尊之反以慢之也恐不如獨祀  
禹祭酒為便

金誠一

問家禮不論公卿大夫士而並許祭四代但國制則六品以  
上祭三代七品以下祭二代如此之禮何以處之先生曰  
國制如此雖曰不敢違然孝子慈孫依古禮斷然行之則豈



有不可蓋古者昭穆異廟故月祭享嘗各有其制至於後世同堂異室之制作而高祖自有服若以遠近為疏數而仲月之享或不及於高祖則人神之未安庸有極乎故朱先生嘗與時宰書曰如此等禮不可輕易言之惟在廷臣建白復昭穆舊制乃可云今何更有所云云至於國制七品以下祭二代之說无所難行在七品以下時雖祭二代而秩躋六品則應祭三代此時固可追造神主乎且六品以上得祭三代而或因罪削官則並與曾祖神主而毀之乎一造一毀一視子孫爵秩之高下寧有是理此殊不可曉

李國弼

問世俗多不行高祖之祭忌日或飲酒食肉甚者至預於宴樂可駭先生曰高祖乃有服之親何可不祭程朱已行之考



諸禮文可見然時王之制如此何可責彼之不行但當自盡而已

金誠一

問祖考之終在閏月者復遇亡歲之閏月則行祭於閏乎先生曰閏非正月人之行祭常以正月而獨於是歲依亡歲之月而祭祀未穩祭則依常月行之於閏月亡日則齊素而不祭似當也

金誠一

先生曰人於忌祭時常並祭考妣甚非禮也考祭祭妣猶之可也妣祭祭考豈有敢援尊之義乎吾門亦嘗如此而非宗子故不敢擅改只令吾身後勿用俗耳

金誠一

問祭禮考五禮儀則祭饌器數自卿大夫至士庶人各有其品品數之外斷不可越否先生曰祭者之名位有分祭禮亦隨



其品可也但五禮儀亦有難從者饌品脯醢果則最多而魚  
肉之饍極少人家魚肉隨所得猶可易備脯醢果則豈能常  
畜之多乎愚意不必盡從其禮雖稱家有無而祭之恐亦無  
妨但不至僭越可也且器數不可極煩煩則瀆又不能致潔  
耳

金誠一

問朱子嘗歎昭穆之禮久廢作家禮卻徇時俗之禮何也先生  
曰時王之制豈可輕改且禮者天下之通行者也舉世不則行  
雖成空文何益故其答門弟子書深歎古禮之不復而終曰  
豈若獻議于朝一一滌其謬之為快也云云

金誠一

戊辰七月先生承

召命來京願菴

宋寅

招振問曰進士成惕奉

三代神主不意失火盡為延燒來問於余曰改題神主當於



何所耶余答曰當題於墓所其後更思之題於墓所似無其  
理須問於先生何如振以此意往質於先生先生答曰人死  
則葬於山野題主畢即為返魂者使其神歸安於平日居處  
之所也一朝神主見燒則神魂飄散無所泊矣即於前日安  
神之所設虛位改題主焚香設祭使飄散之神更依於新主  
可也前日已返之魂豈可更求於體魄所在之處乎今觀金  
而精處所答與振所聞不同而而精所聞在於辛酉振之所  
聞在於戊辰則先生晚年定論可知矣

趙振○先生答金而精書  
已見文集有日神主火災

者只祠廟火而室屋猶存則當題主於家若並室屋蕩燼則寧從權而  
題主於墓所似亦可矣汝答趙振之說相反故云云

問祭物右陳何如先生曰神道尚右故也蓋左為陽而右為陰  
所以尚右神道屬陰故也

金誠一



問家禮寢廟正廟之義先生曰寢廟昭穆所在之地正廟合祭之所見文獻通考朱子大全中庸或問等書

金明

問祭物三獻後開蓋扱匙冬月則饌物已冷至為未安先進麪餅三獻後進饌何如且禮文無開蓋開蓋之文而饌物氣散然後方開蓋尤恐未安先生曰神靈享氣扱匙雖在三獻後其前開蓋使饌氣同上不妨

金明倫

問以紙牒行祭與神主之祭異先降神而後參神何如先生曰既設神位而有紙牒則神亦在是矣先參後降不妨某家亦如是行之

金明倫

問世人在身於人而遇父母之忌請主人之物而行祭何如子女在夫家行其父母之忌祭者亦何如先生曰借物行忌事



某亦聞今人或以使命在州縣而遇忌有如此者殊覺有未安不如勿為之為愈也但此亦不可以一槩斷定如身雖在他方而家自行祭者固不當行也若其人家業零替糊口於人而一身之外無行祭者則其間亦須有隨宜處變之道恐不可因遂忌親也婦人在夫家行私親忌祭禮所不當但世俗成習難以卒禁若避正寢則猶或可也舅姑在則尤未

便

李國弼

問宗子挈家徙居則其所主祭之神主皆當奉行若其門長不許祖先神主之他歸則因畱木家以我田宅所出使得奉祀其餘神主盡為奉去乎先生曰親未盡之神主恐不可畱付門長而去蓋宗子與門長胥失之矣

李國弼



問今世遇忌則前期二日不食肉不飲酒蓋飲酒食肉不至變  
貌變味則可也全不食飲則似為未安請依禮而只其日行  
素何如先生曰依俗例為之又何不可必欲異眾此乃公病  
耳金而精亦有此病所以公等多受人嫌贈

李國弼

問禩祭竊欲行之何如先生曰此祭不肖未及行不敢答

李國弼

嘗於夫人忌日某侍食餽餘先生曰世人或於忌日設酒食會  
隣曲甚非禮也今日則君適在傍故呼與同之耳

金誠一

先生當夫人忌日監司來見先生不禩忌設酒肉皆如常但於  
進肴賓主異饌監司知之乃皆用素

金誠一

問拜墓時族彙列位之原若欲以次第而行祭則登降累原恐  
筋力疲而誠敬少弛又恐祭物新餽或雜冷暖有異先詣墳



所奠杯引靈而以紙牒合祭於齋宮如何曰無妨設壇於淨地而合祭如何曰尤是大抵古人以誠之所為神之所臨而今人凡祭必欲詣墳所此禮非古也況墓祭於禮一年一行而今人必行四節則是後世之俗也

金富倫

又曰山神之祭不可不致誠敬辨物盛祭可也

金富倫

問長子固不可祭妻父母象子而為人婿可立祠祭之否先生曰人之長子為人獨女之婿則事大有妨礙而難處者蓋彼無後又無繼後之子則我當祭之而身承宗祠不可二之也今人或同一祠而祭之其二本甚美固不足道也雖別立廟亦未免二本之失矣其處之不亦難乎但不幸而遇之則當擇其妻族之親分臧獲使主祠可也

金誠一



問桃主當遷于最長之房而或勢有不能舛者何以處之答曰  
吾門亦有此事而時未定不敢為人謀耳屢問不答

禹桂傳

問妻亡無子且無繼後則其神主祝文題辭當如何先生曰主  
則當書曰故室某封某氏云云朱門人嘗問此條朱先生曰  
當以亡室書之云云某意亡字似迫切非不忍致死之意以  
故字書之恐無妨祝告辭亦同但告者當書夫姓名而夫字  
不必書也敢昭告亦改曰謹告而敢昭字恐或可也

金誠一

註傳嘗問神主旁題書於主之左旁為是先生曰何以知其然  
耶曰神道以右為尊左旁乃其下也先生曰某亦舊嘗思之  
如此後乃覺其非是以中為尊則旁題不必分上下也時金  
而精在坐云以同堂異室之制言書於主左者固在下也至



於昭穆之位則或反居上恐不可以上下論也先生曰是豈言亦是性傳強主此說先生曰二程全書文公家禮圖至於大明會典 國朝五禮儀自古相傳皆書于主右獨於何氏小學圖書于主左若有害於義理則雖自古相傳之說固未必從也初無害於義理而欲廢自古相傳之說偏主何氏之一言何意昔韓文公云甚矣人之好怪此乃好怪之說也性傳曰家禮云其下左房其字指主身而言矣先生因出家禮拈出立小石碑下小註朱子說一段曰如此處不可硬定說公試言刻於其左此亦石碑之左乎若為石碑之左則是為自左而倒書耶性傳曰既以右為上則雖如此書之或無乃可乎先生正色曰公何以為此說人心如印板公若每事自主張



如此甚不當千萬戒之 禹往傳

論時事

先生曰中廟隨其子職品封贈其父官甚是美制我 國則不然子雖貴為通政清顯之職不得為二品之官則其父無官者不免為士人為子之心豈得安乎 金富倫

嘗曰我 朝言路之不廣以有完席也信史之失職以有曹司也諫官為人主耳目當各以所聞見論 啓而必設完席僉議然後方 啓議若不合雖有正論亦不得行其為害豈不大哉古者下至百工各執藝以諫亦何嘗有完席乎史官多至八員者所以重史也所當各盡其職而今則諸員皆居素而委置於下番一人所見不必皆正而直筆時或為右位



不同志者所抹去萬世傳信之書草草已甚可為寒心又曰  
嘗八實錄廳見時政記其實異於朝報者無幾

金誠一

嘗曰近世士類顯言世祖朝事不知有諱此某所大憂也曾  
見公舉俞應字權近二人比方論之不空如此以義言之  
祖宗之事不可顯言孔子以昭公為知禮此可見矣

禹佳傳

乙巳秋朝廷拒三浦倭人納款之請時國恆相仍民生不

保又與倭作釁國之大憂而在朝無能慮及於此先生適  
以典翰在告通于同僚欲入劄陳利害同僚不從先生力疾

獨疏

禹佳傳

先生言尹任事曰蓋尹元老

明廟之舅尹任

仁廟之舅而

仁廟久在東宮仁聖慈孝中外屬心上下翕然士君子鼓



舞興起元老輩本以兇狡之人雖極猜忌而無言可斥雖欲  
搆陷而無覺可乘趨附權勢求婚於任任終不許之以此  
兩尹遂成嫌隙胥動浮言闕內或有非常寢故任亦以銅  
臭武夫奔走宣言於士大夫間曰元老輩謀危東宮不利社  
稷一時正人君子無不扼腕攘臂期以輔翼春宮以死自許  
遂推任兵曹判書以樹東宮之羽翼任自期翼戴士林靡然  
從之元老輩尤極媚嫉不但視任如仇相與語者亦莫不目  
之不幸 仁廟卽位九閱月而上賓 明廟嫡弟當立 文  
定國廟當垂簾而任不解事理惟知勢利自意一朝共權更  
無可為亦不無希冀之心未免爪李之嫌於是元老以此交  
鼉競救虫以管亥逆論之推刃士林受夷羣賢其禍滔天慘於



黨錮何可忍言

仁李德弘

晦齋謫居常草進修八規欲上未果而卒其庶子全仁欲成先人之志先生曰時有可不可事有宜不宜以今觀之時與事兩非其宜也或因此惹起事端亦未可知不如深藏篋笥之為愈也蓋時尹元衡當國而明廟之親尚未解雖上遺疏未必有益而或致意外之患故先生力止之金誠一

李公夢弼尹東京日語人曰仁宗初余與李景活同在玉堂館中諸人咸言李復古可相景活獨言李公量挾不宐在相位諸人愕然余亦心疑其言未幾時事大變李公得罪至是知景活之言乃深救李公也景活是時蓋已知未久必有變故恐李公作相得禍尤大故為此言以格諸人之論耳其先



見之明亦非人所及也 鄭惟一

乙丑夏 文定昇選館學生請誅普雨至於空館而未得請嶺南儒生通文一道詣 闕上疏先生曰以討賊復讎誅普雨既不當其罪而通文一道相率詣 闕又非便蓋人各有所見何可苟同若事出於人心之所同然則不待通文而必相齊應如其不然則雖家道戶曉亦無應者矣故人所言之事則必自陳疏可也豈合通一道相率詣 闕也於是宣城永嘉之士間先生之教獨不赴 闕又曰通文上疏非儒者所當為也 全誠一

館學生論普雨之罪未得蒙 允約以勿更赴科舉乃空館先生聞之曰此事甚未安若有一種人奮然以為吾志未行道



不合長往不返則可也至於羣聚相約則大不可君臣之義  
豈可如是且信近於義言可復也豈有舉國之士皆不赴舉  
之理乎又曰臺諫辭職亦然 禹壯傳

太學生論普雨之罪不得請至於空館未幾還就尚州儒生通  
文一道齋詣 闕下更請妖僧之罪且攻太學就館之非禮  
安士人方議去就先生止之曰太學生陳疏猶可諉也遠方  
草茅之士羣聚伏 闕分義甚不當數三士人以為先生每  
事以中道自處故如此說草野狂生雖似過激何妨一行先  
生聞之笑曰儒者以中道自處猶恐有過况先以過激自處  
耶鄉人遂以先生之名終不行 禹壯傳

是歲十月有別舉之 命諸人方論去就先生顧壯傳曰始約



勿赴舉誠過矣朕已有約不赴為是八約諸儒若皆不赴則其未入約者亦不可獨赴舉國皆不赴舉此甚未安或試期稍退或僧雨死庶無未安事矣未幾左相李浚慶果 啓  
退試期僧雨謫死濟州 禹圭傳

問儒生空館何如先生曰有言責者諫於其君而不聽則去可也至於常布之士本無言責其上章論列非其職也若事關宗社之存亡吾道之盛衰義不可不言則亦可上章論列其聽與否在於君上豈可必其見聽而以得請為期哉今之館學遇事必上章若不得請則相率而空館空館而猶未得請則又相率而聚館其去也猶恐不先其聚也猶恐或後去之既非其道聚之無其名是甚道理古之君子當國家大事



奮不顧身上章提論而君不聽用則決然而去身不歸者  
有之是則可貴若其空館則吾不可知也問空館始於何時  
先王曰以見於史者言之恐始於宋時捲堂也又曰空館跡  
似要君 金誠一

問草莽之臣越分陳疏直言不諱殊非君子保身之道若以微  
言溫辭略陳使不激怒則何如先生曰此等事難於立定規  
模說也 李國弼

己巳之歸語德弘曰近日交衆甚可憂懼德弘曰先生既在山  
林何懼之有曰如愚一身不足恤而其如士林之顛晚邦國  
之殄瘁何 李德弼

退溪先生言行錄卷之四







